

**12 апреля 2020 года**

**Неделя 6-я Великого поста**

**ВХОД ГОСПОДЕНЬ ВО ИЕРУСАЛИМ**

**Последование часов и обедницы  
для домашнего (келейного) совершения**

**ЧАС ТРЕТИЙ**

Молитвами святых отец наших, Господи Иисусе Христе, Боже наш, помилуй нас.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас.  
**Трижды, и три поклона.**

Слава Отцу, и Сыну, и Святому Духу, и ныне и присно, и во веки веков.  
**Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи, помилуй. Трижды.**

**Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко Твое есть Царство и сила и слава во веки. Аминь. (Мф. 6: 9-13)**]

**Господи, помилуй, 12.**

**Слава, и ныне:**

**Приидите, поклонимся Цареве нашему Богу.**

**Приидите, поклонимся Христу, Цареве нашему, Богу.**

**Приидите, поклонимся и припадем Самому Христу, Цареве и Богу нашему.**

## Псалом 16

Услы́ши, Го́споди, пра́вду мою́, вонми́ молéнию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита правоты́. Искусил еси́ се́рдце мое́, посетил еси́ но́щию, искусил мя еси́, и не обрeтeся во мне неправда. Яко да не возглабо́лют уста́ моя́ дел челове́ческих, за словеса́ устен Твои́х аз сохраню́х пути́ же́стоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, яко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ ми́лости Твоя́, спаса́яй упова́ющыя на Тя от проти́влящихся десни́це Твое́й. Сохрани́ мя, Го́споди, яко зе́ницу о́ка, в кро́ве крилу́ Твоею́ покры́еши мя. От лица́ нечестивых остра́стших мя, врази́ мой ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свой возложи́ша уклони́ти на зе́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестиваго, ору́жие Твое́ от враг руки́ Твоея́. Го́споди, от ма́лых от земли́, раздели́ я́ в животé их, и сокрове́нных Твои́х исполнися чре́во их, насы́тишася сыно́в, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внегда́ явити́ ми ся сла́ве Твое́й.

## Псалом 24

К Тебе́, Го́споди, воздвиго́х ду́шу мою́, Бо́же мой, на Тя упова́х, да не постыжу́ся во век, ниже́ да посмею́т ми ся врази́ мой, и́бо вси терпя́щии Тя не посты́дятся. Да посты́дятся беззаконну́ющие вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, яко Ты еси́ Бог Спас мой, и Тебе́ терпéх весь день. Помяни́ щедроты́ Твоя́, Го́споди, и ми́лости Твоя́, яко от ве́ка суть. Грех ю́ности моея́, и неведе́ния моего́ не помяни́, по ми́лости Твое́й помяни́ мя Ты, ра́ди бла́гости Твоея́, Го́споди. Благ и прав Госпо́дь, сегó ра́ди законоположи́т согреша́ющим на пути́. Наста́вит крóткия на суд, научи́т крóткия путе́м Свои́м. Все путиé Госпо́дни ми́лость и и́стина, взыска́ющим завета́ Его́, и свидéния Его́. Ра́ди и́мене Твоего́, Го́споди, и очисти́ грех мой, мног бо есть. Кто есть челове́к боя́йся Го́спода? Законоположи́т ему́ на пути́, егóже избóли. Душа́ егó во бла́гих водвори́тся, и се́мя егó наслéдит зе́млю. Держа́ва Госпо́дь боя́щихся Егó, и завет́ Егó яви́т им. О́чи мой вы́ну ко Го́споду, яко Той истóргнет от се́ти но́зе мой. При́зри на мя и помилуй́ мя, яко единоро́д и нищ есмь аз. Ско́рби се́рдца моего́ умно́жишася, от нужд мои́х изведи́ мя. Виждь смире́ние мое́, и труд мой, и оста́ви вся грехи́ моя́. Виждь враги́ моя́, яко умно́жишася, и ненави́дением неправедным возненави́деша мя. Сохрани́ ду́шу мою́, и изба́ви мя, да не постыжу́ся, яко

уповах на Тя. Незлѡбиви и прѡвии прилеплѡхуся мнѣ, ꙗко потерпѣх Тя, Господи. Избѡви, Бѡже, Израїля от всех скорбѣй егѡ.

### Псалѡм 50

Помѡлуй мя, Бѡже, по велицей мѡлости Твоей, и по мнѡжеству щедрѡт Твоих очисти беззакѡние моѣ. Наипѡче омѡй мя от беззакѡнїа моего, и от грехѡ моего очисти мя; ꙗко беззакѡние моѣ аз знѡю, и грех мой предо мною есть вѡну. Тебѣ единому согрѣших, и лукавое пред Тобѡю сотворих; ꙗко да оправдишися во словесѣх Твоих, и победиши, в негда судити Ти. Сѣ бо в беззакѡнїих зачат есмь, и во гресѣх роди мя мати моя. Сѣ бо ѡ истину возлюбил еси, безвѣстная и тѡйная премѡдрости Твоея явил ми еси. Окропиши мя иссопом, и очистишя; омѡеши мя, и пѡче снѣга убелюся. Слѡху моему дѡси рѡдость и весѣлие; возрадуются кѡсти смиренныя. Отврати лице Твое от грех моих, и вся беззакѡнїа моя очисти. Сѣрдце чисто созижди во мнѣ, Бѡже, и дух прав обнови во утрѡбе моей. Не отвержи мене от лица Твоегѡ, и Дѡха Твоегѡ Святѡго не отыми от мене. Воздѡждь ми рѡдость спасѣния Твоегѡ, и Дѡхом Владычним утверди мя. Научу беззакѡнныя путем Твоим, и нечестивии к Тебѣ обратятя. Избѡви мя от кровей, Бѡже, Бѡже спасѣния моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. ꙗко ѡще бы восхотѣл еси жѣртвы, дал бых ѡбо: всесожжѣния не благоволиши. Жѣртва Бѡгу дух сокрушен; сѣрдце сокрушено и смиренно Бог не унижит. Ублажи, Господи, благоволением Твоим Сиѡна, и да созиждутся стѣны Иерусалимския. Тогда благоволиши жѣртву правды, возношенїе и всесожегаемая; тогда возложат на олтарь Твой тельцы.

Слѡва, и ныне:

Аллилуїа, аллилуїа, аллилуїа, слѡва Тебѣ Бѡже. **Трижды.**

Господи, помѡлуй. **Трижды.**

**Тропарь, глас 1:**

**Общее воскресѣние / прѣжде Твоея Стрѡсти уверяя, / из мѣртвых воздвѡгл еси Лѡзаря, Христѣ Бѡже. / Тѣмже и мы, ꙗко ѡтроцы побѣды знѡмения носяще, / Тебѣ победителю смѣрти вопиѣм: / осѡнна в вѡшних, / благословѣн Грядѡй во ѡмя Господне.**

Слѡва:

**Тропарь, глас 4:**

**Спогрѣбшеся Тебѣ крещѣнием, Христѣ Бѣже наш, / безсмѣртныя жѣзни сподѣбихомся Воскресѣнием Твоим, / и воспевающе зовѣм: / осанна в вышних, / благословѣн Грядый во имя Господне.**

**И ныне, Богородичен:**

Богородице, Ты еси лоза истинная, / возрастившая нам Плод животá, / Тебѣ молимся: / молися, Владычице, со святыми апостолами / помилуй души наша.

**Таже:**

Господь Бог благословен, / благословен Господь день дне, / поспешит нам Бог спасений наших, / Бог наш, Бог спасти.

Святой Бже, Святой Крепкий, Святой Безсмертный, помилуй нас.  
**Трижды.**

Слава Отцу и Сыну и Святому Духу, и ныне и присно и во веки веков.  
**Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесах, да святится имя Твое, да придет Царствие Твое, да будет воля Твоя, яко на Небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Кондак, глас 6:**

**На престоле на Небесах, / на жребяти на земли носимый, Христѣ Бже, / Ангелов хваление / и детей воспевание приял еси, зовущих Ти: / благословен еси, Грядый Адама воззвати.**

**Господи, помилуй. 40.**

Иже на всякое время и на всякий час, на Небесах и на земли, покланяемый и славимый, Христѣ Бже, Долготерпеливе, Многоимлостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к

заповедем Твоим, души наша освятить, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступная Твоея славы, яко благословен еси во веки веков, аминь.

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Молитвами святых отец наших, Господи Иисусе Христе, Боже наш, помилуй нас.

### И молитву сию, святого Мардария:

Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и имиже веси судьбами, спаси мя, недостойного раба Твоего, яко благословен еси во веки веков. Аминь.

## ЧАС ШЕСТЫЙ

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадем Самому Христу, Цареве и Богу нашему.

### Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чужднии восташа на мя и крепцыи взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрело око мое.

### Псалом 54

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклонил на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи,

Господи, и раздели язики их: яко видех беззаконие и пререkanie во граде. Днем и нощию обидет и по стенам его. Беззаконие и труд посреде его и неправда. И не оскуде от стогн его лихва и лесь. Яко аще бы враг поносил ми, претерпел бых убо, и аще бы ненавидяй мя на мя велеречевал, укрыл бых ся от него. Ты же, человеце равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снут во ад живи, яко лукавство в жилищах их, посреде их. Аз к Богу възвах, и Господь услыша мя. Вечер и зутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убойшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче ела, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведеша их во студенец истления, мужие кровей и лести не преполовят дней своих. Аз же, Господи, уповаяю на Тя.

### Псалом 90

**Живый** в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаяю на Него. Яко Той избавит тя от сети ловчи и от словеса мятэжна, плещма Своима осенит тя, и под криле Его надеешися: оружием обидет тя истина Его. Не бойшися от страха ношнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоея тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрью и, яко позна имя Моё. Воззовет ко Мне и услышу его, с ним есмь в скорби, изму его и прославлю его, долготою дней исполню его и явлю ему спасение Моё.

**Слава, и ныне:**

**Аллилуиа, аллилуиа, аллилуиа, слава Тебе Боже. Трижды.**

**Господи, помилуй. Трижды.**

**Тропарь, глас 1:**

**Общее воскресение / прежде Твоея Страсти уверяя, / из мёртвых  
воздвигл еси Лазаря, Христэ Бóже. / Тёмже и мы, яко óтроцы победы  
зна́мения носяще, / Тебé победителю смёрти вопиём: / осанна в  
вы́шних, / благословён Грядый во имя Господне.**

**Сла́ва:**

**Тропарь, глас 4:**

**Спогрéбшеся Тебé крещением, Христэ Бóже наш, / безсмёртныя  
жизни сподóбихомся Воскресением Твоём, / и воспева́юще зовём: /  
осанна в вы́шних, / благословён Грядый во имя Господне.**

**И ны́не, Богородичен:**

**Яко не ймамы дерзновения за премно́гия грехи́ наша, / Ты йже от Тебé  
Рóждшагося моли́, Богорóдице Дéво, / мно́го бо мо́жет молéние Мáтернее  
ко благосёрдию Влады́ки. / Не прэзри грéшных мольбы́, Всечы́стая, / яко  
мýлостив есть и спасти́ могый, / Йже и страдáти о нас изво́ливый.**

**Та́же:**

**Скóро да предваря́т ны щедрóты Тво́я, Гóсподи, / яко обнища́хом зело́; /  
помози́ нам, Бóже, Спа́се наш, / сла́вы ра́ди Ймене Твоего́, Гóсподи, избáви  
нас / и очисти грехи́ наша, Ймене ра́ди Твоего́.**

**Святый Бóже, Святый Крéпкий, Святый Безсмёртный, помíлуй нас.  
Трижды.**

**Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в.  
Ами́нь.**

**Пресвятáя Трóице, помíлуй нас; Гóсподи, очисти грехи́ наша; Влады́ко,  
прости́ беззакóния наша; Святый, посети́ и исцели́ нéмощи наша, ймене  
Твоего́ ра́ди.**

**Гóсподи, помíлуй. Трижды. Сла́ва, и ны́не:**

**Óтче наш, Йже еси́ на Небесéх, да святит́ся ймя Твоё, да прийдёт  
Цáрствие Твоё, да бýдет во́ля Тво́я, яко на Небеси́ и на земл́и. Хлеб наш  
насу́щный да́ждь нам днесь; и оста́ви нам до́лги наша, якоже и мы  
оставля́ем должникóм нашим; и не введи́ нас во искуше́ние, но избáви нас  
от лука́ваго.**

**[Яко Твоё есть Цáрство и си́ла и сла́ва во ве́ки. Ами́нь. (Мф. 6: 9-13)]**



**Конда́к, глас 6:**

**На престо́ле на Небеси́, / на жребя́ти на земли́ носимый, Христé Бóже, / Ангелов хвалéние / и дете́й воспева́ние прия́л еси́, зову́щих Ти: / благословéн еси́, Грядый Ада́ма воззва́ти.**

**Гóсподи, помíлуй. 40.**

И́же на всякое вре́мя и на всякий час, на Небеси́ и на земли́, покланя́емый и сла́вимый, Христé Бóже, Долготерпели́ве, Многоми́лостиве, Многоблагоутро́бне, И́же пра́ведныя любя́й и грéшныя мíлуяй, И́же вся зовый ко спасéнию обеща́ния ра́ди бу́дущих благ. Сам, Гóсподи, приими́ и на́ша в час сей моли́твы и испра́ви живóт наш к за́поведем Твои́м, ду́ши на́ша освяти́, телеса́ очисти, помышлéния испра́ви, мы́сли очисти и избáви нас от всякия скóрби, зол и болéзней, огради́ нас святы́ми Твои́ми А́нгелы, да ополчéнием их соблюда́еми и наставля́еми, достíгнем в соединéние véры и в ра́зум непристúпныя Твоея́ сла́вы, я́ко благословéн еси́ во véки веко́в, амíнь.

Честнéйшую Херувím / и сла́внейшую без сравнéния Серафím, / без ислéния Бóга Сло́ва рóждшую, / сущую Богородицу, Тя велича́ем.

Моли́твами святы́х оте́ц на́ших, Гóсподи Иису́се Христé, Бóже наш, помíлуй нас.

**И молитву сию́ святаго Великаго Васи́лия:**

Бóже и Гóсподи сил и всея́ тва́ри Содéтелю, И́же за милосéрдие безприкла́дныя мíлости Твоея́ Единоро́днаго Сы́на Твоего́, Гóспода на́шего Иису́са Христа́, низпосла́вый на спасéние ро́да на́шего, и честны́м Его́ Крестóм рукописа́ние грех на́ших растерза́вый, и победи́вый тем нача́ла и вла́сти тьмы. Сам, Влады́ко Человеколю́бче, приими́ и нас, грéшных, благодарственныя сия́ и моле́бныя моли́твы и избáви нас от всякаго всегуби́тельного и мра́чнаго прегрешéния и всех озло́бити нас и́щущих ви́димых и неви́димых враг. Пригвозди́ стра́ху Твоему́ плóти на́ша и не уклони́ серде́ц на́ших в словеса́ или́ помышлéния лука́вствия, но любóвию Твоею́ уязви́ ду́ши на́ша, да, к Тебе́ всегда́ взира́юще и е́же от Тебе́ свéтом наставля́еми, Тебе́, непристúпнаго и присносу́щнаго зря́ще Свéта, непреста́нное Тебе́ исповéдание и благодарéние возсыла́ем, Безнача́льному Отцу́ со Единоро́дным Твои́м Сы́ном и Всесвяты́м, и Благи́м, и Животворя́щим Твои́м Ду́хом ны́не, и прísно, и во véки веко́в. Амíнь.



## ЧИН ОБЕДНИЦЫ

### Антифон 1, глас 2, псалом 114:

Возлюбих, яко услышит Господь / глас моления моего.

Молитвами Богородицы, Спасе, спаси нас.

**Стих 2:** Яко приклоню ухо Свое мне, / и во дни моя призову.

Молитвами Богородицы, Спасе, спаси нас.

**Стих 3:** Объяша мя болезни смертные, / беды адовы обретоша мя.

Молитвами Богородицы, Спасе, спаси нас.

**Стих 4:** Скорбь и болезнь обретох, / и имя Господне призвах.

Молитвами Богородицы, Спасе, спаси нас.

Слава, и ныне: Молитвами Богородицы, Спасе, спаси нас.

### Антифон 2, псалом 115:

Верах, темже возглаголах, / аз же смирюся зело.

Спаси ны, Сыне Божий, / возседый на жребя, поющия Ти: / аллилуиа.

**Стих 2:** Что воздам Господеву о всех, / яже воздаде ми?

Спаси ны, Сыне Божий, / возседый на жребя, поющия Ти: / аллилуиа.

**Стих 3:** Чашу спасения прииму, / и имя Господне призову.

Спаси ны, Сыне Божий, / возседый на жребя, поющия Ти: / аллилуиа.

**Стих 4:** Молитвы моя Господеву воздам, / пред всеми людьми Его.

Спаси ны, Сыне Божий, / возседый на жребя, поющия Ти: / аллилуиа.

Слава Отцу, и Сыну, и Святому Духу, и ныне и присно, и во веки веков.  
Аминь.

Единородный Сыне, и Слове Божий, Безсмертен Сый, и изболливый спасения нашего ради воплотитися от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертью смерть поправый, един Сый Святыя Троицы, прославляемый Отцу и Святому Духу, спаси нас.

Антифон 3, глас 1, псалом 117:

Исповѣдайтеся Гóсподеви я́ко благ, я́ко в век мѣлость Егó.

Тропа́рь, глас 1:

**Общее воскресѣние / прѣжде Твоея Стра́сти уверяя, / из мѣртвых воздвѣгл еси́ Ла́заря, Христѣ Бóже. / Тѣмже и мы, я́ко óтроцы побѣды зна́мения нося́ще, / Тебѣ победѣтелю смѣрти вопиѣм: / осáнна в вѣшних, / благословѣн Грядѣ́й во и́мя Господне.**

**Стих 2:** Да речѣт ѹ́бо дом Изра́илев: я́ко благ, я́ко в век мѣлость Егó.

**Тропа́рь: Общее воскресѣние / прѣжде Твоея Стра́сти уверяя, / из мѣртвых воздвѣгл еси́ Ла́заря, Христѣ Бóже. / Тѣмже и мы, я́ко óтроцы побѣды зна́мения нося́ще, / Тебѣ победѣтелю смѣрти вопиѣм: / осáнна в вѣшних, / благословѣн Грядѣ́й во и́мя Господне.**

**Стих 3:** Да речѣт ѹ́бо дом Аарóнь: я́ко благ, я́ко в век мѣлость Егó.

**Тропа́рь: Общее воскресѣние / прѣжде Твоея Стра́сти уверяя, / из мѣртвых воздвѣгл еси́ Ла́заря, Христѣ Бóже. / Тѣмже и мы, я́ко óтроцы побѣды зна́мения нося́ще, / Тебѣ победѣтелю смѣрти вопиѣм: / осáнна в вѣшних, / благословѣн Грядѣ́й во и́мя Господне.**

**Стих 4:** Да рекѹ́т ѹ́бо вси боя́щиися Гóспода: я́ко благ, я́ко в век мѣлость Егó.

**Тропа́рь: Общее воскресѣние / прѣжде Твоея Стра́сти уверяя, / из мѣртвых воздвѣгл еси́ Ла́заря, Христѣ Бóже. / Тѣмже и мы, я́ко óтроцы побѣды зна́мения нося́ще, / Тебѣ победѣтелю смѣрти вопиѣм: / осáнна в вѣшних, / благословѣн Грядѣ́й во и́мя Господне.**

ПРОКИМЕН, АПОСТОЛ И ЕВАНГЕЛИЕ

**Прокѣ́мен, глас 4:** Благословѣн Грядѣ́й во И́мя Господне, / Бог Господь, и явѣ́ся нам.

**Стих:** Исповѣдайтеся Гóсподеви я́ко благ, я́ко в век мѣлость Егó.

**Благословѣн Грядѣ́й во И́мя Господне, / Бог Господь, и явѣ́ся нам.**

Апостол к Филипписѣ́ем, зачало 247:

**Бра́тие, ра́дуйтеся всегда́ о Гóсподе: и па́ки рекѹ́, ра́дуйтеся. Крóтость ва́ша разѹ́мна да бѹдет всем челове́ком. Господь близ. Ни о чѣмже пеца́етесь, но во всем моли́твою и моле́нием со благодарѣ́нием проше́ния ва́ша да сказа́ются к Бóгу. И мир Бóжий, превосходя́й всяк ум, да соблюде́т сердца́ ва́ша и разумѣ́ния ва́ша о Христѣ́ Иису́се. Прóчее же, бра́тие моя́, ели́ка суть и́стинна, ели́ка че́стна, ели́ка**

пра́ведна, елі́ка пречы́ста, елі́ка прелюбе́зна, елі́ка доброхва́льна, а́ще ка́я добродéтель, и а́ще ка́я похвала́, сиа́ помышля́йте. Имже и научи́стесь, и при́ясте, и слы́шасте, и ви́десте во мне, сиа́ творите, и Бог ми́ра бу́дет с ва́ми.

**Русский перевод:** Братия, радуйтесь всегда в Господе; и еще говорю: радуйтесь. Кротость ваша да будет известна всем человекам. Господь близко. Не заботьтесь ни о чем, но всегда в молитве и прощении с благодарением открывайте свои желания пред Богом, и мир Божий, который превыше всякого ума, соблюдет сердца ваши и помышления ваши во Христе Иисусе. Наконец, братия мои, что только истинно, что честно, что справедливо, что чисто, что любезно, что достославно, что только добродетель и похвала, о том помышляйте. Чему вы научились, что приняли и слышали и видели во мне, то исполняйте, – и Бог мира будет с вами.

Аллилу́ия, аллилу́ия, аллилу́ия.

**Стих:** Воспо́йте Го́сподеви песнь но́ву, я́ко дивна сотвори́ Госпо́дь.

Аллилу́ия, аллилу́ия, аллилу́ия.

**Стих:** Ви́деша вси концы́ земли́ спасéние Бо́га на́шего.

Аллилу́ия, аллилу́ия, аллилу́ия.

Го́споди, поми́луй. Трижды.

От Иоáнна свята́го Евáнгелия чтéние.

Сла́ва Тебе́, Го́споди, сла́ва Тебе́.

**Евангелие от Иоанна, зачало 41:**

Пре́жде шести́ дней Па́схи, при́иде Иису́с в Вифа́нию, иде́же бе Ла́зарь умéрый, егóже воскресí от мéртвых. Сотвори́ша же Емú вéчерю ту, и Ма́рфа служáше: Ла́зарь же еди́н бе от возлежа́щих с Ним. Ма́рия же приéмши ли́тру ми́ра на́рда пистика́ многоце́нна, пома́за но́зе Иису́сове, и отрэ́ власы́ свои́ми но́зе Егó. Хра́мина же испо́лнися от вонí ма́сти благово́нныя. Глаго́ла же еди́н от учени́к Егó, Иу́да Си́монов Искарíoтский, и́же хотя́ше Егó преда́ти: Чесó ра́ди ми́ро сие́ не прóдано бысть на трех стех пéнязь, и данó ни́щим? Сие́ же рече́, не я́ко о ни́щих печáшеся, но я́ко тать бе, и ковче́жец имéяше, и вметáемая ноша́ше. Рече́ же Иису́с: не де́йте ея́, да в день погребéния Моегó соблюде́т é. Ни́щия бо всегда́ имате с собо́ю, Мене́ же не всегда́ имате. Разуме́ же наро́д мног от Иудéй, я́ко ту есть: и приидо́ша не Иису́са ра́ди то́кмо, но да и Ла́заря ви́дят, егóже воскресí от мéртвых. Совеща́ша же архиере́е, да и Ла́заря уби́ют, я́ко мно́зи егó ра́ди идя́ху от Иудéй и véроваху во Иису́са. Во у́трий же день наро́д мног

прише́дый в пра́здник, слы́шавше, я́ко Иису́с гряде́т во Иеру́сали́м, прия́ша ва́иа от фи́ник, и изыдо́ша в сре́тение Ему́, и зва́ху глаго́люще: осанна, благослове́н Гряды́й во И́мя Госпо́дне, Ца́рь Изра́илев. Обре́т же Иису́с осли́а, все́де на не, я́коже е́сть пи́сано: Не бо́йся, дщи Сио́ня, се Ца́рь твой гряде́т, се́дя на жребя́ти о́сли. Сих же не разуме́ша ученицы́ Его́ пре́жде, но егда́ просла́вился Иису́с, тогда́ помяну́ша, я́ко сия́ бы́ша о Нем пи́сана, и сия́ сотвори́ша Ему́. Свидете́льствоваше же наро́д, и́же бе пре́жде с Ним, егда́ Ла́заря возгласи́ от гроба́, и воскреси́ его́ от ме́ртвых. Сего́ ра́ди и сре́те Его́ наро́д, я́ко слы́шаша Его́ си́е сотво́рша зна́мение.

**Русский перевод:** За шесть дней до Пасхи пришел Иисус в Вифанию, где был Лазарь умерший, которого Он воскресил из мертвых. Там приготовили Ему вечерю, и Марфа служила, и Лазарь был одним из возлежавших с Ним. Мария же, взяв фунт народного чистого драгоценного мира, помазала ноги Иисуса и отерла волосами своими ноги Его; и дом наполнился благоуханием от мира. Тогда один из учеников Его, Иуда Симонов Искарот, который хотел предать Его, сказал: Для чего бы не продать это миро за триста динариев и не раздать нищим? С казал же он это не потому, чтобы заботился о нищих, но потому что был вор. Он имел при себе денежный ящик и носил, что туда опускали. Иисус же сказал: оставьте ее; она сберегла это на день погребения Моего. Ибо нищих всегда имеете с собою, а Меня не всегда. Многие из Иудеев узнали, что Он там, и пришли не только для Иисуса, но чтобы видеть и Лазаря, которого Он воскресил из мертвых. Первосвященники же положили убить и Лазаря, потому что ради него многие из Иудеев приходили и веровали в Иисуса. На другой день множество народа, пришедшего на праздник, услышав, что Иисус идет в Иерусалим, взяли пальмовые ветви, вышли навстречу Ему и восклицали: осанна! благословен грядущий во имя Господне, Ца́рь Израилев! Иисус же, найдя молодого осла, сел на него, как написано: Не бойся, дщи Сионова! Вот, Ца́рь твой грядет, сидя на молодом осле. Ученики Его сперва не поняли этого; но когда прославился Иисус, тогда вспомнили, что так было о Нем написано, и это сделали Ему. Народ, бывший с Ним прежде, свидетельствовал, что Он вызвал из гроба Лазаря и воскресил его из мертвых. Потому и встретил Его народ, ибо слышал, что Он сотворил это чудо.

**Сла́ва Тебе́, Го́споди, сла́ва Тебе́.**

**Ли́к Небе́сный поет Тя и глаго́лет: Свят, Свят, Свят Госпо́дь Савао́ф, испо́льн Не́бо и земля́ сла́вы Твоея́.**

**Стих:** Приступи́те к Нему́ и просвети́теся, и ли́ца ва́ша не постыда́тся.

**Ли́к Небе́сный поет Тя и глаго́лет: Свят, Свят, Свят Госпо́дь Савао́ф, испо́льн Не́бо и земля́ сла́вы Твоея́.**

**Слава:** Лик святѣхъ Ангел и Архангел со всеми Небесными Силами поёт Тя и глаголет: Свят, Свят, Свят Господь Саваоф, исполни Небо и земля славы Твоея.

**И ныне:** Вѣрую во единого Бога Отца, Вседержителя, Творца Небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на Небеса, и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино Крещение во оставление грехов. Чаю воскресения мертвых, и жизни будущаго века. Аминь.

**Ослаби, остави, прости,** Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

**Отче наш,** Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Кондак, глас 6:**

**На престоле на Небеси, / на жребяти на земли носимый, Христэ Боже, / Ангелов хваление / и детей воспевание приял еси, зовущих Ти: / благословен еси, Грядый Адама воззвати.**

**Господи, помилуй. 12.**

**И молитву:**

**Всесвятая Троице,** Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да вину славлю, пою,

покланяюся и глаголю: Един Свят, Един Господь, Иисус Христос, во славу Бога Отца. **Аминь.**

**Буди Имя Господне благословено отныне и до века. Трижды.**

**Слава, и ныне:**

**Псалом 33:**

**Благословлю Господа на всякое время, вину хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа, и услыша мя, и от всех скорбей моих избави мя. Приступите к Немужу и просветитесь, и лица ваша не постыдятся. Сей нищий воззва, и Господь услыша ю, и от всех скорбей его спасе ю. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй животи, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира и поженя ю. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Мнози скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.**

**Бог Господь и явися нам. / Составите праздник, / и веселящеся приидите, возвеличим Христа, / с ваиями и ветвми, песнями зовуще: / благословен Грядый во имя Господа, Спаса нашего.**

**Слава, и ныне:**

**Господи, помилуй. Трижды. Благослови.**

**Отпуст**

**Иже на жребяти осли сести изволивый, нашего ради спасения, Христэ, истинный Боже наш, молитвами Пречистыя Своея Матере, святых славных и всехвальных Апостол, и всех святых, помилуй и спаси нас, яко Благ и Человеколюбец. Аминь.**

Велікаго господіна и отця на́шего Кири́лла, / Святéйшаго Патри́арха Моско́вскаго и всея́ Руси́, / и господіна на́шего высокопреосвященнейшаго **імярек**, / митрополіта [**или́**: архиепіскопа; **или́**: преосвященнейшаго **імярек**, епіскопа] [**его́же есть о́бласть**], / настоя́теля, бра́тию и прихо́жан свята́го хра́ма на́шего, / домоча́дцы на́ша и вся правосла́вныя христиа́ны, / Го́споди, сохрани́ их на мно́гая ле́та.